

S. D. N.

8

CLEMENTIS PP. VIII
PRIVILEGIA, ET FACVLTATES
ILL.^{MO}, ET R.^{MO}. D. CARD. PROTECTORI
AC PRAELATO, ET DEPV TATIS.

Venerabilis Monasterij virginum miserabilium Beatae Catharinae della Rosa nuncupatae de Vrbe, super dictarum virginum alimentatione, ipsarum bonorum administratione, ac in vltima voluntate, ad fauorem ipsius Monasterij duntaxat facienda dispositione concessa.



ROMAE, Apud Impressores Camerales. M. DCIII.

CLEMENS PAPA VIII.

Ad perpetuam rei memoriam.



POSTOLICI muneris diuina dispositio-
ne nobis, licet immeritis, iniuncti debitum
requirit, vt circa statum Monasteriorum quo-
rumlibet, Sanctimonialium præsertim in Al-
ma Vibe pro educandis puellis, & Virgini-
bus, quarum pudicitia ob suorum genitorum
impudicum exemplum satis manifesto peri-
culo exposita dignoscitur, institutorum, ac
earundem Sanctimonialium, & Virginum, & aliarum persona-
rum prosperè dirigendum inuigilemus, eorumq; subuentioni, &
commoditatibus prospicere studeamus, prout in De mino conspi-
cimus salubriter expedire. Cum itaque, sicut nobis nuper exponi
fecerunt, dilecti filij Prælatus, & deputati Congregationis Mona-
sterij Monialium S. Catharinæ de la Rosa nuncupatæ de Vibe sub
Sancti Augustini, seu alterius Ordinis Regula ipsa Congrega-
tio puellas, & Virgines miserabiles de dicta Vibe, quas tam ob eorum
paupertatem, quàm etiam genitricum, vel aliarum mulierum pe-
nès quas degunt vitæ impudicitiam, & exemplum scandalosum si-
mili viuendi modo, vel prostituendi se periculo de facili magis ex-
positas compertum habent à suis genitricibus, & alijs mulieribus
prædictis, etiam illis inuitis, abducere, & in dicto Monasterio illius
Monialibus curæ educandas, & instruendas committere, ac alias
recipere, sumptibusq; & expensis eiusdem Monasterij, & pijs fide-
lium eleemosynis & largitionibus alere, & sustentare conueue-
rint, donec ad ætatem nubilem peruenerint matrimonio, constituta
singulis per Congregationem, seu deputatos huiusmodi congruen-
ti dote, collocentur. Cumq; propterea Monasterium, seu Congre-
gatio huiusmodi, cuius redditus satis tenues sunt, multoties rerum

angustia prematur, & commoditatibus, ac alijs sibi necessarijs indigeat: Quia tamen pleræq; ex puellis pro tempore inibi introductis, & abductis, siuè earum genitrices, & parentes facultates habent, quibus eisdem puellis ad victum, & vestitum necessaria subministrari possent, eiusdem Monasterij necessitatibus valdè consuli possit, si dictis puellis iuxta suas, aut suorum prædictorum facultates necessaria subministrantur. Idcirco pro parte Protectoris Prælati, & deputatorum prædictorum nobis fuit humiliter supplicatum, quatenus eiusdem Monasterij, seu Congregationis necessitatibus, & indemnitati prospicere, ac alias in præmissis oportunè providere de benignitate Apostolica dignemur. Nos igitur rationi, maxime consentaneum esse rati, vt Monasterium, & Congregatio huiusmodi quoad huiusmodi puellas facultates habentes in eorum necessitatibus subleuentur, prædictos Protectorem Prælatum, & deputatos, ac eorum singulos à quibusvis excommunicationis, suspensionis, & interdicti, alijsq; Ecclesiasticis sententijs, censuris, & pœnis, à iure, vel ab homine quauis occasione, vel causa latis, si quibus quomodolibet innodati existunt ad effectum præsentium duntaxat consequen. harum serie absoluētes, & absolutos fore censentes huiusmodi supplicationibus inclinati, harum serie statuimus, & ordinamus, quòd ex nunc deinceps perpetuis futuris temporibus, pro ijs puellis, & Virginibus tam hætenus receptis, quàm deinceps recipiendis, etià inuitis parentibus, & consanguineis suis, in dicto Monasterio, vt ibi educantur, & instruantur, ad quas aliqua bona, seu facultates, vel redditus pertinere, aut quarum parentes, seu consanguinei, ad quos aliòquin earum educatio, & cura pertineret, facultates, ex quibus illis alimenta in totum, vel in partem præstare possent, possidere constiterit, alimenta huiusmodi, & alia ad victum, & vestitum necessaria ex bonis, pecunijs, rebus, & proprietatibus ad eandemmet puellas, aut ad earum parentes, seu consanguineos, quibus illarum cura, & alimonia alias incumberet, quomodolibet pertinentibus, & spectantibus vbicunq; existentibus, & in quibuscunq; rebus consistentibus, eorumq; fructibus, redditibus, prouentibus, & introi-

introitibus prædicto Monasterio, dum, & donec ipsæ puellæ in illo
degerint, iuxta declarationem à Protectore, seu Prælato, & depu-
tatis prædictis, qui quantitatis, & qualitatis bonorum huiusmodi, &
personarum, à quibus dicta alimenta præstanda erunt, rationem ha-
bebunt, faciendam, præstari, & subministrari omninò debeant, ac
omnium earundem puellarum, seu aliorum prædictorum bona, res,
& proprietates huiusmodi, etiamsi ex aliquo statuto, ordinatione,
legato, vel testamèto alicuius alibi, & in aliù vsum etiam sub pœna
caducitatis, vel deuolutionis in euentum contrauentionis destina-
ta, & relicta essent, ad id obligata, & hypothecata sint, & esse cen-
seantur, ac remaneant; Ita & taliter, quod puellarum, & virginum
pro tempore introducendarum genitrices, & aliæ parentes huius-
modi, & aliæ personæ, penès quas bona, res, & proprietates prædi-
cta reperientur, & quæ ad subministrandum eisdem puellis, & vir-
ginibus alimenta, aliaq; necessaria, alias tenerentur, & obligata exi-
terent, ad præstandum, & subministrandum eadem alimenta, victum, &
vestitum, & suppellectilia, seu acconcia vulgariter nūcupata, ac alia
ad id consuecta, & necessaria, iuxta Protectoris, seu Prælati, & depu-
tatorum prædictorum declarationem huiusmodi, teneantur, & obli-
gata sint, & ad id per pro tempore existentes Protectorem, seu Præ-
latum, & deputatos Congregationis prædictæ, quibus plenā, & am-
plam ad præmissa, & alia infra scripta facultatem, & auctoritatē per
præsentes impartimur, etiam via iuris, & manu regia, omni mora,
reclamatione, & dilatione postpositis, ac quocunq; alio meliori mo-
do, etiam ex cutiue cogi, & compelli possint. Præterea, ne puellæ,
nunc, & pro tempore in Monasterio huiusmodi receptæ, introdu-
ctæ, & degentes aliquo modo seduci valeant, similiter statuimus, &
ordinamus, quod ipsæ puellæ, quouq; ibi manserint, per se, vel in-
terpositam personam, de bonis, proprietatibus, iuribus, actionibus,
& alijs rebus, ad eas quouis modo pertinentibus, peruentis, & per-
uenturis, ex quacunq; causa, intuitu, & occasione quomodolibet
disponere, aut super illis coram quocunq; Notario, vel alia perso-
na publica, vel priuata, cuiuscunq; dignitatis, conditionis, auctori-
tatis,

tatis, & excellentiæ existentē contrahere, vel contractum aliquem,
aut quemvis alium similem, vel dissimilem actum publicum, vel pri-
vatum facere, requirere, aut illi consentire, vel consensum suum præ-
stare, reddere, & apponere, & quicumq; Notarius de præmissis, aut
aliquo præmissorū se rogare, nisi, & quatenus comodū, & utilitatē
dicti Monasterij respiciant absq; licentia, consensu, voluntate, au-
thoritate, decreto, seu interuentu pro tempore existentis Prælati
Congregationis huiusmodi, nullo vnquam tempore validē possint,
nec valeant, & alias, ac aliter, præterquam in commodum, & utilita-
tem eiusdem Monasterij pro tempore facta Instrumenta, scriptu-
ræ, acta, stipulationes, & contractus, seu quæcūq; aliæ dispositiones,
& ordinationes nullam in iudicio, & extra fidem faciant, ac nulla,
irrita, & infecta, nulliusq; roboris, & effectus, vel momenti prorsus,
& omninō sint, & pro nullis, irritis, & infectis habeantur, ac cense-
ri debeant. Et insuper, vt non solum bona ab ipso Monasterio, seu
dicta Congregatione in dotationem dictarum puellarū erogata, &
eroganda, illis absq; liberis, decedentibus, ad prædictum Monaste-
riū, seu Congregationem, vt par est, omninō redeāt, sed etiā aliquid
utilitatis eidem Monasterio proueniat, volumus, & decernimus,
quod quandocūq; contingat aliquā ex puellis, & virginibus à præ-
dicta Congregatione pro tempore dotatis, & matrimonio collo-
catis, absq; filiis legitimis, & naturalibus decedere, prædictum Mo-
nasterium, illis sic decedentibus, in eorum tam mobilibus, quàm
immobilibus, alijsq; cuiuscūq; qualitatis existentibus bonis, iuri-
bus, rebus, & actionibus quibuscūq; per eas relictis, aut ad eas per-
tinentibus tam præsentibus, quàm futuris, etiamsi dictæ mulieres
pro tempore decedentes de eisdē bonis, & rebus, alijsq; ad eas per-
tinentibus, & cōpetituris in quarumvis personarū, seu etiam alio-
rum Monasteriorum, Ecclesiarum, & locorum piorum fauorem
quomodolibet disposuerint, nisi forsan in earum dispositionibus ei-
us Monasterio ultra de tam ab ipso Monasterio eis traditam, quar-
tam saltem aliorum earum bonorum prædictorum respexerint, quo-
casu dispositiones huiusmodi subsistere, aliter verò pro tēpore fa-

cien-

ciendas viribus omnino carere, ac nullius roboris, & momenti fore, & esse declaramus, legitime succedere, ac hæres esse possit, & debeat, prout Nos Monasterium ipsum eisdem sic decedentibus mulieribus hæredem, & legitimum successorem ex nunc perpetuo facimus, & instituimus; Ita quod liceat nunc, & pro tempore existentibus Prælato, & deputatis prædictis, seu pro illis Agentibus, vel agenti, aut eiusdem Congregationis Procuratori legitimo ipsius Monasterij nomine absq; alia hæredis institutione Iudicis declaratione, vel ministerio, seu solemnitate, etiam de iure, aut consuetudine, vel statuto debita, aut requisita, rerum, proprietatem, & bonorum à mulieribus decedentibus huiusmodi relictorum, illarumq; hæreditatum corporalem, realem, & actualem possessionem, easdemq; hæreditates suscipere, apprehendere, & etiam fructus exinde percipere, exigere, leuare, vendere, alienare, & in dicti Monasterij, eiusq; necessarios usus, & utilitatem convertere, ac de illis tanquam de proprijs, & ad illud legitime, & iuridice spectantibus, & pertinentibus disponere, cuiusvis licentia desuper minime requisita, eisdemq; Monasterio Protectori, Prælato, deputatis, & Congregationi concedimus, & indulgemus. Decernentes præsentibus literas nullo unquam tempore de subreptionis, vel obreptionis vicio, aut intentionis nostræ, vel quopiam alio defectu notari, impugnari, ad terminos iuris reduci, aut in ius, vel controuersiam reuocari, seu aduersus eas quodcumq; iuris, vel facti, aut gratiæ remedium à quoquam impetrari posse, sicq; intentionis nostræ fuisse, & esse, ac ita, & non aliter per quoscunq; Iudices ordinarios, & delegatos quauis auctoritate fungentes, etiam Causarum Palatii Apostolici Auditores, & Sanctæ Romanæ Ecclesiæ Cardinales, ac etiam de Latere Legatos iudicari, & diffiniri debere, necnon irritum, & inane quicquid secus super hi à quoquam quauis auctoritate scienter, vel ignoranter contigerit attentari. Non obstat antibus quibuscunq; vltimis voluntatibus, statutis, ordinationibus, testamentis, & hæredum institutionibus, alijsq; Constitutionibus, & ordinationibus Apostolicis, necnon Urbis prædi-

prædictæ , & quorumvis Monasteriorum , Ordinum , Ecclesiarum
& piorum locorum, etiam iuramento, confirmatione Apostolica, &
vel quavis firmitate alia roboratis, statutis, & consuetudinibus, nec
non priuilegijs, indultis, Literis, & exemptionibus Apostolicis, illis
eorumq; Superioribus , Conuentibus, Capitulis, & personis, ac di
lectis filijs Populo Romano , & quibuscumq; alijs sub quibuscunq; te
noribus, & formis , ac cum quibusvis etiam derogatorijs, & de
rogatorijs, alijsq; efficacioribus, & efficacissimis, ac insolitis clausulis,
necnon irritantibus, & alijs decretis in contrarium, etiam iteratis
vicibus , etiam Motu proprio, & ex certa scientia, ac de Apostolicæ
potestatis plenitudine, ac etiam Consistorialiter , & alijs quomo
dolibet concessis, approbatis, & innouatis. Quibus omnibus, & sin
gulis, illorum tenores præsentibus pro sufficienter , ac de verbo ad
verbum expressis, & insertis habentes, illis alijs in suo robore per
mansuris, hac vice duntaxat Ipecialiter, & expressè derogamus, cæ
terisq. contrarijs quibuscunque . Dat. Romæ apud Sanctum Mar
cum sub Anulo piscatoris, die decimaquarta Octobris M. DCII.
Pontificatus Nostri Anno Vndecimo .

M. Vestrius Barbianus.

